

KESEDARAN ISU GEJALA SOSIAL PERLU DIPERTINGKATKAN

OLEH NIK NABIHAH AMALIN BT HARIS

17 NOVEMBER 2020



Majlis penyerahan cenderahati kepada akil PDRM dan AADK disaksikan oleh Tuan Mohd Nor.

PASIR TUMBOH – Satu program komuniti telah dianjurkan baru-baru ini bagi memberi kesedaran kepada masyarakat tentang isu yang semakin berleluasa pada masa kini.

Program yang bertemakan “Keselamatan Masyarakat Bermula Dari Rumah” itu telah dianjurkan. telah dianjurkan oleh sebuah Badan Pertubuhan Kebajikan Penduduk Mukim Parit Pasir Tumboh.

Program komuniti ini adalah program terbaru pada bulan November yang pertubuhan tersebut anjurkan sejak Perintah Kawalan Pergerakan Pemulihan (PKPP) telah dikuatkuasakan di seluruh negara.

Menurut Tuan Mohd Nor Bin Tuan Yahya selaku Setiausaha Pertubuhan merangkap Pengarah program tersebut, tujuan program ini diadakan adalah untuk memberi

pendedahan kepada masyarakat khususnya kepada golongan remaja, dewasa dan warga emas supaya lebih berhati-hati dan mengamalkan langkah-langkah pencegahan keselamatan yang betul.

Selain itu, menerusi program tersebut juga, para penduduk telah didedahkan mengenai masalah gejala sosial yang kini semakin berleluasa di negara kita terutamanya dalam kalangan remaja. Dan juga cara untuk mengatasi masalah tersebut.

Program ini telah membabitkan agensi dan badan kerajaan yang berkaitan seperti Agensi Anti Dadah Kebangsaan (AADK) Kota Bharu dan Balai Polis Diraja Malaysia (PDRM) Kubang Kerian. Dan penyertaan masyarakat setempat dalam program ini dianggarkan sekitar 200 orang yang terdiri daripada ahli pertubuhan dan penduduk setempat.

Program ini telah diadakan di Perkarangan Masjid Taman Desa Wangi dan majlis ini telah dirasmikan oleh ADUN Pasir Tumboh yang telah diwakilkan kepada Penghulu Mukim Parit, Mohd Ropi bin Zakaria.

Atur cara program ini telah dimulakan dengan sesi membaca doa kemudian diikuti dengan sesi ceramah oleh wakil PDRM dan AADK mengenai Keselamatan Masyarakat bermula di rumah. Menurut mereka, masyarakat perlu mengambil cakna dan mengamalkan langkah keselamatan yang betul ketika berada di rumah supaya lebih berwaspada di hari akan datang datang.

Sebagai penutup program tersebut, acara cabutan bertuah untuk penduduk telah diadakan dan diakhiri dengan Maulud serta jamuan ringkas.

“ Saya berharap dengan adanya program sebegini, ia dapat membuka mata masyarakat agar lebih berswaspada dan peka dengan segala kemungkinan yang bakal berlaku di luar jangkaan kita” Tuan Mohd Nor.